



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs III. Domine quid multiplicati sunt.

urn:nbn:de:hbz:466:1-44993

- 8 Petes, & addam cuncta regna gentium,
Addicta nutibus tuis.
Has non mouendo iure princeps posside,
Hæresque prolatus tene,
Ac esto regno meta per gentes tuo,
Idemque terris terminus:
- 9 Tuque insolentem ferreis ages gregem
Scepturis, modesto præuius;
Durosque franges imminutis viribus,
Percussa testa ut disilit.
- 10 Ergo potentes stulta corda principes
Cum regibusque iudices,
Mentem furoris cogitate liuidi
Fraudumque matrem linquere:
Prudentioris atque normam consilii
Vestris inite commodis:
- 11 IA E timore patris almi numina
Cultu & sacrate debito:
Edico cuius hæc tremenda pectore
Mandata fido condite;
- 12 Natumque gratis turba docta plausibus
Efferre regemque optimum:
Feruentis iræ ne reiectos fulmine
Viaque mentisque impotes,
Vestris perire cogat ille erroribus
(Contempta quæ vis est Dei)
Quum missa longo & sæpe lenta tempore
Reseruet indignatio,
Hora repente cuncta consumens breui,
Nasoque adurens vindice:
At liberatos excipit fauens pios,
Quos spes tuetur ac fides.

PSALMVS III.

Domine quid multiplicati sunt.

DIVINI PRAESIDII TVTELA.

1 Psalmus Dauid cum fugeret à facie Absalom filij sui.

Ode Dicolos Distrophos.

- 2 IAS potenti cuius orbis dextera
Permutat alternas vices;
Vides ut in me crescat hostilis timor,
Et quanta consurgat manus?
- 3 Minata turba quam mea vitæ neget
Ex te salutem PRINCIPLE,

- 4 Ex te parato semper auxiliū mihi
Scuto, salutis ac duce;
Cuius benigno victor ipse numine
Tollam coronatum caput.
- 5 IAS vocantem & VSQVE sacro me suo
De monte præfens audijt.
- 6 Pavoris expers noctis horas dormio
Dulcis soporis arbiter.
Inde excitatus integerque ad munia
Reuertor & preces pias,
Spe vt qui beata nixus IA E commoros
Susceptus vltro prouido.
- 7 Arcto licet me multa gentis agmine
Armata vallent millia,
Omnes & vnum hoc ferui si perant caput,
Terrere non tamen valent:
- 8 IAS ab alto surge, siste mi, Deus,
Ades salutis efficax,
Potens superbis hostibus malas quate,
Et frange dentes improbos.
- 9 Munimen IAS est pijs tutissimum,
Salutis ac summum decus.

PSALMVS IIII.

Cum inuocarem.

VOLVNTATIS DIVINAE ASSERTIO.

- 1 Ad præstantem in Neghinoth, Psalmus David.

Ode Tricolos Tetraſtrophos

- 2 **O** Sancte nostri pectoris ARBITER,
Verique compos iudicij DEVS,
Adsis vocanti seruo in arctis
Temporibus dubijsque vindex.
- 3 Quis seuenti nam inuidie modus
Aut quis furori, dicite principes!
Vanis meum non vos pudebit
Consilij decus abrogare?
- 4 IA E potentis, discite, numine
Me tam stupendis crescere dotibus,
Quem semper ipse IAS vocantem
Excipiat foueatque custos.
- 5 Ergo tremenri consilio exciti,
Errore duci parcite deuio, ac
Versate per noctem modestas
Corde nouum sapiente curas.